

梁父淮南廣陵郢都激楚每至曲終歌闋亂以衆契王上下奔逐鳥鹿奮雷厲波騰雨注飄飛電逝晉成公綏琵琶賦曰八音之用誦于典藝箏簫韶九奏物有容制惟比琵琶興自末世爾乃託巧班爾妙意橫施因形造美洪殺得宜柄如翠虬之仰首盤似靈龜之背喙甫臨樂則齊州之丹木柱則梁山之象犀攬以玳瑁格以瑤枝若夫盤圖合靈太極形也三杆片合兩儀生也分挂列位歲數成也回窻華表日月星也

筍簾

釋名曰所以懸鍾者橫曰筍筍峻也在上高峻也縱曰簾簾舉也在傍舉筍也毛詩曰設業設簾崇牙樹羽禮記曰夏后氏之龍筍簾殷之崇牙周之壁翬粥鬲子曰大禹爲銘於筍簾銘言曰敎寡人以道者擊鼗鼓敎以義者擊鍾敎以事者振鐸語以憂者擊磬語以訟獄者揮鞀說苑曰秦博士對始皇階下撞千石之鍾萬石之簾淮南子曰闔閭伐楚破九龍之鍾簾東觀漢記曰東海王彊殿鍾簾之懸莊子曰梓慶削木爲鐻見者驚猶鬼神魯侯問其術對曰臣將爲鐻未嘗敢以耗氣齋七日忘吾四肢然後入山林